

PROJEKAT

MEĐURELIGIJSKI DIJALOG KROZ UMJETNOST

Javna ustanova Gimnazija Dobrinja realizovala nesvakidašnji projekat

Profesor Islamske vjeronauke u JU Gimnazija Dobrinja Salihović Semir osmislio je jedinstven, nesvakidašnji projekat i sa stručnim timom kolega profesora realizirao u prostorijama Gimnazije. Učesnici u projektu bili su učenici različitih *religijskih i nacionalnih skupina* iz deset srednjih škola Kantona Sarajevo.

Partner u projektu je bilo Udruženje vjeroučitelja KS, a finansijski su ga podržali Federalno ministarstvo nauke i obrazovanja i TPO Fondacija.

Učenici su aktivno učestvovali u šest modula i odslušali šest predavanja o temama *Međureligijski dijalog - islamska perspektiva (predavač prof. Salihović Semir), Svete knjige i poezija u njima (predavač prof. Bosanskog jezika i književnosti Ahmetpahić Enver), Međureligijski dijalog - katolička perspektiva (predavač prof. Katoličkog vjeronauka mast. theol. Mujabašić Siniša), Tolerancija (predavač prof. Psihologije Kahriman Adna), Etika i međureligijski dijalog (predavač prof. Kulture religija mr. Melina Fazlić), Stereotipi i predrasude (predavač dipl. pedagog Slatina Sanela)*. Predavanja su bila obogaćena i radionicama tematski vezanim za određeno predavanje, a neke od tema radionica su bile *Vitraž, Mozaik i Arabeska (predavač akademski grafičar i prof. Likovne kulture Smiljanić Anita)*. Također, za učesnike projekta bile su organizovane i posjete vjerskim bogomoljama u Sarajevu kao što su *Istiklal džamija, Katedrala Srca Isusova i Pravoslavna crkva*. Projekat je završen sedmim modulom, a aktivnosti su se dešavale u okviru izleta na našoj ljepotici Bjelašnici u hotelu Han. Svim učesnicima su uručene zahvalnice za učešće u projektu.

Glavni cilj projekta bio je da se učenici različitih nacionalnosti i vjera međusobno bolje upoznaju, da uoče suštinske karakteristike različitih vjerskih učenja, da u njima otkriju, osim vjerskih, i umjetničke, etičke i estetske vrijednosti, da posjete vjerske objekte i osjete ljepotu kaligrafije, freske, vitraža, mozaika..

Projekat je realiziran u periodu od 14. septembra do 31. decembra 2017. godine.

Mr. Semir Salihović







